

Dumonda da la fracziun dal Center concernent la distgargia da la classa mesauna tar las premias da las cassas da malsauns (emprim sutsegnader Collenberg)

Avant intginas emnas ha il Cussegl federal communitgà, che las premias da las cassas da malsauns vegnian er auzadas l'onn che vegn. En il chantun Grischun s'augmentan las premias l'onn proxim en media per 5,5 pertschient. Quest augment n'è betg surprendent ed ina midada da la tendenza en connex cun il svilup da las premias n'è betg en vista.

Mesiras persistentas ed efficacias po prender mo la politica naziunala. Malgrà ch'igl ha dà bleras emprovas, n'èsi displaschaivlamain betg reussì fin ussa da far frunt al svilup creschent da las premias. Perquai vegnan las premias probablamain auzadas en il medem pass er durant ils proxims onns. La dumonda è pia quella, sch'il chantun ha pussaivladads da cumbatter cunter il svilup resp. da sustegnair las persunas che pajan premias. In instrument enconuscent e renconuschì è la reducziun individuala da las premias (RIP). Persunas assicuradas en relaziuns economicas modestas han il dretg da survegnir ina reducziun individuala da las premias (RIP) per l'assicuranza obligatorica da malsauns tenor LAMal. Decisivas èn las relaziuns persunalas ed economicas. Las premissas per survegnir la reducziun e l'autezza da quella vegnan regladas en il dretg chantunal. La classa mesauna na profitescha dentant betg da la RIP, perquai che las persunas da la classa mesauna n'adempleschan betg las premissas per survegnir ina RIP. L'augment cuntinuand da las premias da las cassas da malsauns è pia ina chargia creschenta cunzunt per las famiglias cun uffants.

Sut quest aspect vulan las sutsegnadras ed ils sutsegnaders savair il suandant da la Regenza:

1. Fissi ord vista da la Regenza raschunaivel d'elavurar in rapport cun las mesiras ch'il chantun po prender per distgargiar la classa mesauna ed en spezial las famiglias en moda efficazia tar las premias?
2. Co giuditgescha la Regenza in'ulteriura adattaziun dals supplements da famiglia per rinforzar las famiglias e la classa mesauna?
3. Co s'engascha il chantun en collavuraziun cun auters chantuns e/u parts involvidas tar la Confederaziun a favur da soluziuns persistentas?

Cuira, ils 10 da december 2025

Collenberg, Bettinaglio, Epp, Beeli, Bergamin, Berther, Binkert, Brunold, Cramer, Danuser (Cazas), Derungs, Furger, Gansner, Haltiner, Heini, Kohler, Lamprecht, Loepfe, Maissen, Mani, Messmer-Blumer, Orlik, Righetti, Said Bucher, Sax, Schneider, Spagnolatti, Tomaschett, Ulber, Zanetti (Sent), Zanetti Livio (Landquart), Zanetti Marion (Landquart)